

Dani projektanata 2017.

Vaillant, Grundfos i Herz

U organizaciji BH predstavnika proizvođača opreme "Vaillant", "Grundfos" i "Herz" održani tradicionalni "DANI PROJEKTANATA" na Jahorini.

U organizaciji BH predstavnika renomiranih proizvođača opreme za klimatizaciju, grijanje i snabdijevanje vodom "Vaillant", "Herz" i "Grundfos" i 16. i 17.11.2017. godine su na Jahorini, u hotelu "Termag", održani tradicionalni "Dani Projektanata". Na dvodnevnom seminaru preko 80 učesnika iz cijele BiH upoznalo se sa novitetima iz proizvodnih asortimana navedenih proizvođača, kao i savremenim rješenjima i trendovima iz oblasti termotehnike.

Svečani skup su otvorili Semir Botić - direktor "Vaillant d.o.o.", Petar Jelić - direktor predstavništva "Herz" za Hrvatsku i BiH i Nenad Lehpaner - direktor "Grundfos" predstavništva u BiH, koji su se svim gostima u ime organizatora zahvalili na dolasku. Ono na što su posebno stavili akcenat je da je ovo jedini događaj ovakve vrste u Bosni i Hercegovini sa tradicijom dužom od 10 godina.

Ove godine druženje je bilo malo drugačijeg koncepta, pa su tako prvog dana održane prezentacije o novostima iz proizvodnog programa od strane tvrtki, Vaillant, Grundfos i Herz, a drugog dana, umjesto dosadašnje prakse održavanja prezentacija, odlučili smo napraviti panel diskusiju, na zadane teme. Projektanti su odlično prihvatili ovakav vid diskusije i rado se upustili u raspravu o aktualnim dešavanjima sa kojima se susreću u svom svakodnevnom radu.

Ovo tradicionalno okupljanje projektanata je ponovo pokazalo kolika je potreba i želja inženjera i projektanata mašinske struke da zadrže korak sa novim rješenjima i dostignućima tehnike u svom svakodnevnom radu. Uz stručno usavršavanje svi učesnici su imali prilike za razonodu i opuštanje. Pored izvanrednog zabavnog sadržaja kojeg pruža hotel Termag, našim gostima ponudili smo i avanturističku igru „Room escape“. Ni ovaj put nije izostala odlična zabava u restoranu "Koliba" uz fanatističnu Lanu i njen band za koje su svi imali samo riječi pohvale.

www.vaillant.ba